

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0058983 25  
Zenica, 14.04.2026. godine

**OPĆINSKI SUD U ZENICI**  
-Sudiji za prethodno saslušanje-  
**ZENICA**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

**O P T U Ž N I C U**

**Protiv:**

**B. E.**, osuđivan,

što je:

Dana 11.06.2024. godine, oko 18,00 sati, na adresi stanovanja u stanu koji se nalazi u ulici B., u Z., suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj: 8/06) neovlašteno radi dalje prodaje držao 5 tableta sive boje nepravilnog oblika ukupne neto mase 2,130 grama koje sadrže psihoaktivnu komponentu „metilendioksimetamfetamin“ (MDMA), poznatije kao opojna droga „ecstasy“ a koja droga je pod rednim brojem 12 popisa psihotropnih tvari iz tablice I „Zabranjene tvari i biljke“ proglašena kao takvom, 8 pvc zataljenih paketića zelene biljne materije sa sadržajem psihoaktivne supstance „tetrahidrokanabinol (THC)“ poznatije kao opojna droga „marihuana“ ukupne neto mase 6,997 grama, 3 pvc paketića zelene biljne materije sa sadržajem psihoaktivne supstance „tetrahidrokanabinol (THC)“ poznatije kao opojna droga „marihuana“ neto masa 4,484 grama; 46,829 grama i 46,642 grama, a koja droga je pod rednim brojem 13 liste opojnih droga i rednim brojem 26 liste psihotropnih tvari iz tablice I „Zabranjene tvari i biljke“ proglašena kao takvom, te 18 pvc zataljenih paketića materije blijedožute boje sa sadržajem psihotropne supstance „amfetamin“ poznatije kao opojna droga „speed“ ukupne neto mase 9,040 grama i 5 pvc zataljenih paketića materije blijedožute boje sa sadržajem psihotropne supstance „amfetamin“ poznatije kao opojna droga „speed“ ukupne neto mase 12,940 grama, a koja droga je pod rednim brojem 1 popisa psihotropnih tvari iz tablice II „Tvari i biljke pod strogim nadzorom“ proglašena kao takvom, iako je bio svjestan i znao da je sve to Zakonom zabranjeno a što je i htio, a koje sve gore navedene opojne droge su mu istoga dana pronađene i oduzete od strane policijskih službenika ... prilikom pretresa gore pomenutog stana izvršenog po Naredbi za pretres ... od 11.06.2024. godine,

čime je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH